

أيامنا والليالي

خل المنازل وقل للبين يندبها
يبكي عليها بدمع العين هطالي
لا تعمر الدار والقالات تخربها
بيع الردي بالخساره واشتر الغالي
ما ضاقت الأرض وانسدت مذهبها
فيها السعه والمراجل والتفتال
دار بدار وجيران نقاربها
وارض بارض وأطلال بأطاللي
والناس اجانيب لئن إنك تصاحبها
تكون منهم كما قالوا بالأمثالي
الارض لله نمشي في مناكبها
والله قدر لنا أرزاق وآجالي
حث المطايا وشرقها وغربها
واقطع بها كل فجّ دارس خالي
واطعن انحور الفيافي في تريبها
وابعد عن الهم تمسي خالي البالي
من كل عملية تقطع براكبها
قدأفد البيد درهام وزرفالي
تبعدك عن دار قوم ودار تقربها
واختّر لنفسك للمنزال منزالي
لو متّ في ديرة قفراً جوانبها
فيها لوطي السباع الغبس مدهالي
اخير من ديرة يجفك صاحبها
كم ذا الجفا والتجافي والتعالي
دوس المخاطر ولا تخشى عواقبها
الموت واحد وبعد العز يجاللي
ان المنايا إذا مدت مخالباها
تدركك لو كنت في جو السما العالي
ماقرت الاسد في عالي مراقبها
تسعى على الرزق ما حنت للاشبالي
والشمس في برجها والغيم يحجبها
تقفى وتقبل لها في العرش مجدال
رب السماوات يا محصي كواكبها
يا مجري السفن في لجات الأهوالي
ضاقت بنا الأرض واشتبت شبائبها
والغيث محبوس يا معبود يا والي
يا الله من مزنة هبت هبايبها
رعادها بات له في البحر زلزالي
ريح العوالي من المنشا تجاذبها
جذب الدلي من جباء مطوية الجالي
ديمومة سبلت وأرخت ذوايبها
وانهل منها غزير الوبل همالي
تسقي دياراً شديد الوقت حاربها
ما عاد فيها لبعض الناس منزالي
يا جاهل اسمع تماثيلاً مرتبها
فيها معاني جميع القيل والقاللي
مثل المحابيب زادت في قوالبها
في صرفها زايد عن قرش واريالي
يا ربي توبه وروحي لا تعذبها
يوم القيامة إذا ما ضاقت اعماللي
وازكى صلاة على المختار نوهبها
شفيعنا يوم حشر فيه الأهوالي

بديوي الوقداني

أيامنا والليالي كم نعاتبها
شبنا وشابت وعفنا بعض الأهوالي
تاعد مواعيد والجاهل مكذبها
واللي عرف حدها من همها سالي
إن أقبلت يوم ما تصفى مشاربها
تقفى وتقبل وما دامت على حالي
في كل يوم تورينا عجائبها
واليوم الأول تراه احسن من التالي
أيام في غلبها وأيام نغلبها
وأيام فيها سوا والدهر ميالي
جربت الأيام مثلي من يجربها
تجريب عاقل وذاق المر والحالي
نضحك مع الناس والدنيا نلاعبها
نمشي مع الف في طوع حيث ما مالي
كم من علوم وكم آداب نكسبها
والشعر مازون مثقال بمثقاللي
اعرف حروف الهجاء بالرمز واكتبها
عاقل ومجنون حاوي كل الأشكالي
لكن حظي ردي والروح متعبها
ما فادني حسن تاديبلي مع أمثالي
إن جيت ابي حاجة عزت مطالباها
العفو ما واحد في الناس يا والي
قوم الى جيتهم رفت شواربها
بالضحك واقلوبها فيها الردا كالي
وقوم الى جيتها صكت حواجبها
وابدت لي البغض في مقفائي واقباللي
ما كني إلا حال مغضبها
والكل في عشرته ماكر ودجاللي
يا حيف تخفي أمورا كنت حاسبها
واللي على بالهم كله على بالي
الجار جافي وكم قوم محاربها
والأهل وأصحابنا والدون والعالي
والروح ويش عذرها في ترك واجبها
راح الحسب والنسب في جمع الأموال
نفسلي تبى العز والحاجات تغضبها
ترمي بها بين أجاويد وانذالي
المال يحي رجالا لا حياة ابها
كالسيل يحي الهشيم الدمدم البالي
عفت المنازل وروحي يوم اجنبها
منها غنيمه وعنّها البعد أولا لي
لا خير في ديرة يشقى العزيز ابها
يمشي مع الناس في هم وإذلاللي
دار بها الخوف دوم ما يغايبها
والجوع فيها ومعها بعض الاحوالي
جوعى سراحينها شبعى ثعالباها
الكلب والهـر يقدم كل ريبالي
عز الفتى راس ماله من مكاسبها
يا مرتضي الهون لا عز ولا مالي
دللت بالروح لئن ارخصت جانبها
وانا عتيبي عريب الجد والخالي
قوم تدوس الافاعي مع عقاربها
ولها عزائم تهد الشامخ العالي

